



**ԹԵՂՐԱՆԻ ՀԱՅՈՑ ԹԵՄԱԿԱՆ ԽՈՐՀՐԴԻ ՆԱՄԱԿԸ
ՎԵՂԱՓԱՌ ՀԱՅՐԱՊԻՏԻՆ
ԵՎ ՆՈՐԻՆ ՍՈՒՐԲ ՕԾՈՒԹՅԱՆ ՊԱՏԱՍԽԱՆ ՀԵՌԱԳԻՐԸ**

**ՆՈՐԻՆ ՍՈՒՐԲ ՕԾՈՒԹՅՈՒՆ Տ. Տ. ՎԱԶԳԵՆ Ա.,
ԾԱՅՐԱԳՈՒԹՅՆ ՊԱՏՐԻԱՐԲ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ**

Ս. ԷԶՄԻԱՍԻՆ

Վեհափառ Տե՛ր.

Այսու որդիական պարտ էմք համարում Ձերդ Վեհափառությանը խոնարհաբար հաղորդելու, որ Թեհրանի բեմի Պատգամավորական ժողովը, սույն բվականի փետրվարի 26-ին գումարած իր հերթական նիստում՝ ԲՆՆՈՒՔՅԱՆ առնելով Ս. Էջմիածնի Մայր Աթոռի և Թեհրանի բեմի փոխհարաբերությանը կրոնական խնդիրը, հանգեց այն եզրակացության, որ Իրանի փոխհարաբերությանը կրոնական պետերի և պատվիրակների նկատմամբ, Իրանի նախահարաց խորհրդի 1949 բվականի հուլիսի 25-ի, Ձերդ Վեհափառությանը ծանոթ, որոշումից ի վեր, Թեհրանի բեմի և Ս. Էջմիածնի Մայր Աթոռի հարաբերություններն ունեցել են միայն ձևական և անվաճական բնույթ: Միաժամանակ, նկատի ունենալով Թեհրանի բեմի համար ստեղծված խիստ բացառիկ պայմանները և մեր Եկեղեցու անվտանգությանը կապված որոշ մտահոգություններ, ինչպես և մի շարք այլ հիմունքներ, Պատգամավորական ժողովն իր վերոհիշյալ նիստում միաձայնությամբ որոշեց՝ դադարեցնել Ս. Էջմիածնի Մայր Աթոռի հետ ունեցած ձևական կապն ևս և խնդրամատույց լինել Մեծի Տանն Կիլիկիո Ս. Աթոռին՝ Թեհրանի բեմն առնելու իր հովանու ներքո:

Մտաչելով ի համբույր Ձերդ Վեհափառության Ս. Աջույն, մնամք խորին հարգանք՝

Թեհրանի հայոց Թեմական խորհրդի ատենապետ՝
դոկտ. Ա. ԲԱԲԱՆՅԱՆ

ԹԵՂՐԱՆ,
29 մարտի 1958 թ.
№ 165/25



ԹԵԶՐԱՆԻ ՀԱՅՈՑ ԹԵՄԱԿԱՆ ԽՈՐՀՐԴԻՆ

ԹԵԶՐԱՆ

Ապրիլի 22-ին ստացանք Ձեր 29 մարտի նամակը:
Մայր Աթոռը չի կարող համաձայն լինել Ձեր որոշման: Ոչ ոք իրավասու-
թյուն չունի հայ եկեղեցիների և հավատացյալների հոգևոր կապը կտրել
Ս. Էջմիածնից: Մենք պիտի գրենք Ձեզ, Մեր խոսքը ուղղելով Թեմական ժո-
ղովիդ և իրանաճալ ժողովրդին:

Ի հարկին Մենք պիտի դիմենք հակա իրանի բարեխնամ կառավարության:
Մինչ այդ, մնացե՛ք խաղաղ և լավատես և մի՛ կատարե՛ք որևէ ձեռնարկ՝
դիմելու այլ եկեղեցական կենտրոնի:

Մենք յատան ենք, քե ամեն դժվարություն կհաղթահարվի և Ս. Էջմի-
ածինը, իբրև հոգևոր կենտրոն, իր դարավոր հովանին կպահպանե իրանի դրացի
և բարեկամ պետության մեջ գործող հայ եկեղեցիների վրա, հարգելով իրա-
նական պետական օրենքներն ու շահերը:

Իրանի հայ քեմերը, ինչպես անցյալում դարեր շարունակ, կան ու կմնան
հակա այսունետև Մայր Աթոռ Ս. Էջմիածնի հոգևոր իշխանության ներքև:

Կհաջորդե նամակը:

Լսեցե՛ք Էջմիածնի սուրբ ձայնը և ընդունեցե՛ք Աստուծո՛ւ և Մե՛ք հայրա-
պետական օրհնությունը:

Վ.Ա.ԶԳԵՆՆՆԱ

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

24 ապրիլի 1958 թ.

Ս. ԷԶՄԻԱՍԻՆ

